

南方八天

綺命斗包	子選成高	天籍司枚
福漆致嚴	奚盧忻恚	閱空辭彬
洞成幽計	瑰罔筵頤	耐陣驗縛
鬼首樵肥	鄒靈胥頤	辨烟牛尼
嶽驅機相	玄省都微	曜強注生
監玄仰淵		
西方八天	坤足邀明	遙魔牙堅
紀景靈定	洞洪寥濱	元圖隱哥
武箕莫魔	丘騎跋還	縣稟列膜
澤奕肆宗	支務海洛	宜勤棟般
億健由灘	歌淇徧密	士浸符角
香浦翹校		
秋火戈山		
北方八天	支溪迺燕	歷真禹周
鄭程宵都	勿落盤濯	神鳳著審
氏室傳俞	謹命獸序	依攸憫遷
槎皇卷鋤	雲亮披瀟	孟阿邪何
覺稠倣僂	秘邀道琪	神曹把筵
龜華異邊		

僊碧露芝

道言此諸天中大梵隱語元量之音舊文字皆廣長一文司命大禁南宮上宰監生大神以鸞羽紫腫之絃書於絳臺瓊房金牖之上以為正音大定生息道氣襲隆秘諱之要侍

文玉童玉女各六千人俠以寶華覆以龍巾有知其音能齋而誦之者諸天皆遣飛天神王下觀其身書其功勤上奏諸天嗣續貴壽慶延門闕大勳僊曹保舉上真道備剋得遊行三界昇入金門此音无所不辟无所不穰无所不度无所不成天真自然之音也故誦之致飛天下觀上帝遙唱萬神惠澤三界普聞群林東首鬼精自亡琳琅振響十方肅清河海靜默山嶽吞煙萬靈振伏招集群僊天无氛穢地无杖塵冥慧洞清大量玄玄也

元始无量度人上品妙經卷之四十二

靈寶无量度人上品妙經卷之四十三

保胎護命品

道言昔於始青天中碧落空歌大浮黎土受元始度人保胎護命妙品元始天尊當說是經周迴十過以召十方始當詣座天真大神上聖高尊妙行真人保胎護命三元六甲大神无鞅數衆步景而來飛雲流軒延霄紫輿翠輦金車彩蓋深覆洞清凝光三色煥麗映徹空玄十日十夜諸天寶苑鬱京壙臺庭闕浮積魏構萬壘靈網神芒停瓊駐耀海雲呈瑞山嶽徊煙遠達浩香近連陔壁雲輝鼓華僊澤飄曳觸衣聞香皆獲上道一國地土山川林木碧蒙綿密蘭風靜注委霞繞落道聲夷由无量天仙稱歎希有衆真侍座元始天尊玄坐空浮一千二百天宮萬龍糾揭明蕪繁珠大寶玉座之上說經一徧諸天聖母同時稱善是時一國僊妃神女憶悟往因見道本元信知天地未生元氣肇始精神吸粹陰陽定胎九十億劫三氣混淪九十大劫三華始分五老保胎三元育魂七竅洞張大塊乃

圻二儀出胎始建寒海說經二徧胎卵濕生
毛鱗介贏无不備成說經三徧喙鳴口語呼
應調順其協天律說經四徧膚革堅完全真
散靈剛風宛轉說經五徧道出英妙才韻秀
奕說經六徧至巧功成曲遂天德說經七徧
育嬰端就善慧滋身說經八徧婦人懷娠鳥
獸含胎已生未生皆得生成說經九徧胎臍
發泄內實露形說經十徧道用神化自然成
人是時一國是男是女莫不傾心保胎護命
咸得長生

道言是時元始天尊說經一徧東方无極甲
宮天冥保胎萬和護命大神无鞅之衆浮空
而至說經二徧南方无極丙宮天真保胎玄
明護命大神无鞅之衆浮空而至說經三徧
西方无極庚宮天曆保胎肅靈護命大神无
鞅之衆浮空而至說經四徧北方无極壬宮
天胚保胎順生護命大神无鞅之衆浮空而
至說經五徧東北无極祭宮天孕保胎護正
護命大神无鞅之衆浮空而至說經六徧東
南无極乙宮天壽保胎樂化護命大神无鞅

之衆浮空而至說經七徧西南无極丁宮天
申保胎道寂護命大神无鞅之衆浮空而至
說經八徧西北无極辛宮天童保胎玄祖護
命大神无鞅之衆浮空而至說經九徧上方
无極戊宮天明保胎法義護命大神无鞅之
衆浮空而至說經十徧下方无極己宮天陽
保胎道康護命大神无鞅之衆浮空而至十
徧周竟十方无極保胎護命大神一時同至
一國男女傾心歸仰來者有如揚埃積塵繁
星散霧无鞅之衆徧滿一國九地俱震非可
禁止於是元始舉身放光洞照十方上下良
久攝光從寶光雲葉中出上現元始天尊大
慈玉相金容赫炳於其肩間出寶珠相此珠
微妙光出一尋內見虛皇玉闕天靈寶臺无
鞅天人行住栖止乘跨鸞鶴笑言顧矚一時
同現水火交發山川宮殿圓寸而足元始既
在太玄真一廣大靜定即此化身分形无量
登引天真大神上聖高尊妙行真人十方无
極保胎護命至真大神无鞅數衆俱入元始
珠光之中天人仰看惟見拂拂從珠影中入

既入珠影不知所在國人靡散地還虛曠无
復駢首元始即於神珠妙光之內說經都竟
衆真監度以授於我當此之時喜慶難言法
事粗悉諸天復位倏欵之間寂无遺響是時
天人遇值經法普得濟度保胎護命无有殞
傷傾土歸仰咸行善心不妄不惑不欺不欲
不爽不違不思不忤不制不回言與天通口
无二聲齊同慈愛異骨成親國安民豐欣樂
太平經始出教一國以道預有至心宗奉禮
敬皆得度世

道言元始天尊說經中所言並是諸天保胎
護命神王內名隱韻之音亦是保胎三元六
甲內諱百靈之隱名也非世之常辭上聖已
成真入通玄究微能悉其章誦之十過諸天
遙唱萬帝設禮天地萬類含胞孕胎無不生
成祕解道先深得元奧大至天地纖及昆蚩
未有不深極胎其受道真氣布精凝血然後
化成一切聖賢諸天帝王高僊未有不從胎
根育養而出故保胎護命誦經召神易轉陰
陽降福生人至學之士誦之十過則聖母降

房司馬侍軒司命定籍五帝延生萬業受形保胎護命壽德齊明所以爾者學士內呪隱名外誦其經召制十方與道同榮伏御地祇束縛魔靈不但却死亦可僊身謂其呼召三元六甲十方胎神使護己命身中胎元十其

百節亦君聽命使子神僊不惟女子胎孕之厄可以誦持而學道錄其不妨咏味輕誦此章身則受殃供養尊禮門戶與隆世世昌熾與善因緣萬災不干神明護門斯經專妙獨步玉京度人无量為萬道之宗魏魏大範德難可勝

道言凡誦是經十過諸天三元六甲九宮保胎護命福善大神降應齊到斷絕六天惡鬼上世亡魂於一切衆生胎元命官作諸誣害使真氣消落神華傾喪孕化不登于嗣難成故氣流接注連累代速付北都斬戮鬼形考按錄籍善惡速分受道順生得為貴人而好學至經功滿德就自識胎真皆得神僊飛昇金闕遊宴玉京也上學之士修誦是經皆即受度真神自飛出入胎宮女人受誦則得保

胎護命天人為子實精變嬰誕育之日胎神護命元有損傷男子夙成福與道隆慶僧時與延壽長年後皆得作尸解之道魂神暫滅不經生滅即得返形遊行太空此經微妙普度無窮一切天人莫不受慶无量之福生世蒙惠上天所寶不傳下世至士齋金寶効心盟天而傳輕泄漏慢殃及九祖長役鬼官保胎護命玉童玉女各三十二人營衛神文保護受經者身

道言正月長齋誦詠是經速召上元六甲直符保胎護命斷上世亡魂追呼子孫訟在天官使胎不成絕孕无子鬼注孤婢七月長齋誦詠是經速召中元六甲直符保胎護命斷呪詛盡厭妬害男女訟在地官使胎不成絕孕无子鬼曆著名十月長齋誦詠是經速召

下元六甲直符保胎護命斷冢訟濕注祖世牽連鬼食胎精訟在水官使胎不成絕孕无子黑札定刑八節之日誦詠是經護諸衆生一切命元使命无傾八方胎神各領官屬入朝九宮太一真君延生保胎護命生根凡誦

是經普及生民不獨女身而植道因天帝下觀得為九宮真人本命之日誦詠是經速召胎神聽受其經明堂三君保護胎精魂神澄正萬氣長存不經苦惱身有光明三界侍衛五帝司迎萬神朝禮者書上天功滿德就飛昇上清

道言行道之日皆當香湯沐浴齋戒入室東向叩齒三十二通上問三十二天心拜三十二過閉目靜思身坐青黃白三色雲氣之中內外翁冥有青龍白虎朱雀玄武

獅子白鶴羅列左右日月照明洞煥室內項生圓象光映十方如此分明密呪曰无上玄元太上道君召出臣身中三五功曹左右官使者侍香玉童傳言玉女五帝直符直日香官各三十六人關啓所言今日吉慶長齋清堂修行至經无量度人願所啓上徹徑御无上三十二天元始上帝至尊几前奉引系三十二過東向誦經

元始无量度人上品妙經

元始洞玄靈寶本章保胎護命十徧度人生
根隱韻離合自然太漠未分大道隱存修忽
變化是生精神神為物靈混沌斯成上下相
錯二象氤氳以白入赤陰陽齊并以赤入黑
胞胎乃疑中含太虛明耀三清神室我義无
始未名有玉嬰兒出玄入青上无復祖惟道
為身紫胞解蒂瑩然真形混元脫胎產育神
靈二儀同化恍惚杳冥冥中之精至真之神
无神不光无神不明无神不立无神不成无
神不度无神不生是為大梵胎中之胎億劫
玉山七寶峻嶒九宮十闕億千萬門皆自道
胎化運精神速於人物三華妙庭紫閣朱宮
胎光奕靈細微幽精潛伏胎根神風轉靡周
回十方中有保胎叔火之君中有變嬰和苑
之神中有司男伯華之君中有太玄監生之
神中有衛房在庭之其男守孟非女守子宜
玄胞未開二神同依胎血之鬼聞名斬權不
敢干試生道永歸天壽之福護命玄師龍文
虎裳五斗攝衣連召三官太極主非擇鈴嘯

咤聲秋風雷挾衛胎宮素煙霏微五帝大魔
金火八威保胎成其貴務光輝除難度厄无
念无為今日校錄諸天臨軒

東方无極保胎生道神王長生大聖无量度人
南方无極保胎生德神王長生大聖无量度人

西方无極保胎扶貴神王長生大聖无量度人
北方无極保胎衛真神王長生大聖无量度人

東北无極保胎福善神王長生大聖无量度人
東南无極護命昭化神王長生大聖无量度人

西南无極護命度精神王長生大聖无量度人
西北无極護命食厄神王長生大聖无量度人

上方无極護命斷死神王長生大聖无量度人
下方无極護命廣慧神王長生大聖无量度人

十方至真保胎護命神王長生度世无量大
神並乘紫霞吉光越蒼之獸神禽丹鳳之與

瓊宮瑤瑤左膝七靈右服九絕巨鳥戢羽菱
龍負棘建保胎之節護命神旂前嘯八溟齊

唱後吹九律同鳴僊舞奏候嘯歌嘯嘯五老
啓塗三元列言億乘萬騎浮空而來天貴生

道胎命為先上帝躬簡大極候煙總真命神

監房度生九天聖母浮駕綠軒天后王妃玄
虎擁筵保胎護命奉到帝前隨所應度嚴枝
諸天普告三界无極神鄉延生之府太一三
垣十二胎神布氣錫年使召天其絳膜紫洞
交氣黃庭掃蕩河源若有故氣祖考遠傳閉

塞生道破胎敗傷不繼種嗣剋害殃延疾除
宿注落滅禍根不得拘留逼合鬼群元始符

命時刻升遷斷絕惡試五道不祥保胎育嬰
部衛形魂制魔保舉護命朱官靈降出貴僊

化成人身受度劫劫長存隨劫輪轉與天
齊年太度生災胎中八難超度三元道備飛

昇道遙上清上清之天北華台元主世生道
各有種天天帝玉其無色之境梵行

東方八天此三十二天專主保胎護
神之神其胎氣所行之天起於辰極之
下自此北斗玄冥星入三台三台六

星主生養萬物胎神生至下左四經
房宿十三度女宿十七度至寶解宮

子位而止凡過胎氣到本命及本生胎
宿則女人有胎胎脫生子故謂之子

實解者取其受而出之亦胎之象也
惟天人化生無形胎自天入至於
人鬼龍虎皆不化生胎有胎也此
天傍遠欲界一十八生亦有帝君官
屬治之世人請乞則降
貴氣生身安胎室也

靈梵居羅天	帝恭慈真
秀明華耀天	帝辨元胥
極真洞生天	帝劉行真提
蒲離正化天	帝羌度霞迷
上治宏默天	帝延神關照
六凝真度天 ^{字三}	帝抑真虛夷
英延飛度天	帝汨皎婁咽
覺儲應始天	帝正察真微
南方八天	帝崔臨支題
皎魔靜空天	帝理常都
旋樞赤界天	帝辯運棲藍
底正護離天	帝蒼端思蒙
越理至玄天	帝約尚良
梵符昭濟天	帝淵憂毗栖
虛球彥渚天	帝眇圖卑羅
禁非司政天	帝鬱童僊人
玉庭明度天	帝匪常僊生
西方八天	帝火玄行
風舉大剛天	
金蒐賢善天	

瓊嶽修盛天	帝力推大魔
陶化揚儀天	帝都演奢多
曲魚斗刺天	帝求婆貪貢
判靈宣平天	帝智辟郎據
皓華成備天	帝倪僊連
高玄智豫天	帝九都赫盧
北方八天	
太始拘墟天	帝弗欲單齊
廣曜黎明天	帝阿留真明
鶴臺統全天	帝開躬朗充
應利回冥天	帝惠屈眉龍
善幾率陀天	帝偃幾西康
玄胎修妙天	帝定梵光
稽元層除天	帝著克願陽
不驕道循天 ^{字三}	帝鬼府洞侯

三十二天三十二帝諸天隱諱諸天隱名胎
 神空洞自然靈章保胎隱韻變胎靈音天中
 之尊天中之神天中太玄天中之靈保胎化
 成氣連玉清皆自元始播精移神无量之真
 深不可詳數落胎真善度天人今日欣慶受

度歷關諸天請滅胎種傳注不祥食穢惡鬼
 黑齒夫人黃女春姑白殃日巡嗽胎殺子西
 宮鬼神青蛇天狗白虎花源老翁幼婦誣害
 胎元生民救救但抱深冤不知胎害故氣相
 連神王監舉无拘生民東斗布算西斗定名
 北斗結胎南斗送魂中斗大魁土為胎真青
 帝護魂白帝侍魄赤帝養氣黑帝通血黃帝
 中主萬神无越青天降胎木真碧羅赤天降
 胎紫蓋婆娑白天降胎金真九回黑天降胎
 水帝灌池黃天降胎福樓登期五天胎神萬
 生之宗飛行三台涉過底房攀女搆虛遊觀
 太空光霞赫奕諸天齊功保胎護命嚴攝北
 鄴八方害氣敢為災凶監生大神校課不容
 風馳雲奔擊劈前衛火師迅煙玄虎檢蹤燭
 裂洞浴神兵四攻敢有干試拒遏上真金馬
 傳驛玉真衛營屠劍鬼英風火元停千千截
 首萬萬剪形魔无千犯鬼无秋精保生瓊胎
 天壽和寧善告无窮萬神咸聽三界五帝列
 言上清
 玉泉无波龍澤靈阿眇眇梵氣道胎駢羅孕

化混沌攝制大魔混沌之中上无復色下无復淵風水含虛紫胞洞然神來感格氣本先天天上天下无幽无冥无形无影无極无窮溟滓大梵遼廓无先生道開明度人億千元始安鎮建植諸天人氣昇玄胎神內連妙氣成文雲章玉篇三元寶書鳳蹟龍文保胎護命運曆長存大梵泛維萬胎啓張星光流演三十二天輪轉无色周迴十方旋女歷房迴度三台三十五分總氣上元八景真合氣入生元元中太皇上帝高真乘景太和唱詠洞章司錄定生聖母履網斷除胎注生厄除殃時貴月吉三元惟良既誕勝慶載齡協昌千和萬合道化成身身從胎生胎中有真蒂一至尊司命保胎官室布分天一左真保胎神君天一右真保胎神君泥九大神保護胎門玉女出入抱大握鈴玉帝在頭赤子住心黃庭老師守護帝闕與天為一百子千孫斬逐腐敗狼藉血痕不得忤胎使嬰晏存上通玉清呼吸華房綠室神德細微之中護命安魂玉官明堂金闕崑崙生氣保胎道德委純十

月九周萬氣齊仙僊遺貴生无量度人開通人門飛天元君恍惚常經變化无垠保護胎命三景同明罪福業戒宿命因緣普愛開度降魂生身身待受生上聞諸天諸天之上各有生門中有空洞謠歌之章保胎靈篇辭參

高真

第一天元保胎大神護命真君甲子

甲戌監生之音

大道有神

地鬼天鬼

日月同昇

金璫右迴

流精九轉

光被八垂

赤子妙微

華纓寶衣

房參尾箕

神女錦襦

扶攜真童

不蹈傾危

入宴胎宮

三元共禧

保固利子

祈男公侯

天真水綏

第二地元保胎大神護命真君甲申

甲午監生之章

黃旗舞空

紫白富宮

胎全子生

我來自東

天福濛濛

泛青雲子

御彼長虹

劉生斗子

玉馬金風

下真庭子

素女么童

傾光降皂子

翠裾六龍

彼天人子

揖我上公

伴胎神於三元

圓靈報於童

紫皇太一

萬天齊功

坐滿千神

新誠殃窮

擲大德程

化明飲風

保定生胎

道德无終

晨霞吐光

照徹玄穹

陰肥陽胎

萬生同賴

一氣共旋

三界斯在

我執玉鼻

來其洪儀

聖妃瓊顏

光華美髮

紫氣在戶

胎室寧固

即召九天

華蓋翩翩

六丁鼓瑟

三元樹煙

衛此生房

日月齊年

神公誅斬

北帝列言

天兵合圍

僊真按軒

燒香稽顙

注記无偶

善功自生

翊侍玄元

此三元之上六甲之官保胎護命自然歌音音參洞章蘭之百徧靜衛胎官誦之千徧百神保迎萬徧道備胎化僊容過度三元護命

王公有聞靈音六甲扶承制地祇寢息元
驚拔出地官天墮橫傷五苦八難生孽繁榮
永離禍茲冤鬼和明合道長生是謂无量普
度无窮有秘上天文諸天共所崇泄慢墮地
獄禍及七祖翁

道言此洞章並是三元上帝六甲神王隱秘
之音皆是大梵之言非世上常辭言无韻麗
曲无華宛故謂玄奧難可尋詳上天所寶秘
於玄都三台上官依玄科六萬劫一傳若有
至人齋金寶質心依舊格告盟十天然後而
付焉

道言下元女人身抱胎脈或犯五傷日月刑
衝返害母命分降之時為上世亡鬼无道鬼
冥阻礙移殃不得生就天魁大殺作諸妖賊
凡有此災此時皆當淨心修齋六時行香十
遍轉經福德立降消諸不祥无量之文普度
无窮
道言夫胎官氣衰生福不行多致墮落羸涸
不禁祖考訟呼嗣種斷緒母子不良三孤九
病乳育乘邪災咎隨坊奉其至人為其行香

誦經十遍係胎護命監生奏上南宮為添算
紀全祐生身隨其道功計其隆殺富壽神像
道言有傷胎之鬼致訟三官賊其年命滅折
裸負使胎嬰病注子養不榮皆鬼神之所為
也亦有善人橫被陵害使失嗣續世微門戶

凋謝可以急誦此經祈告胎星以保命生基
或上世之德鬼責人怒天刑其胎不得安完
速宜改慎洗心自悔以免此災害胎之鬼其
各有九食二月胎鬼名黃球食三月胎鬼名
厲生食四月胎鬼名泥非食五月胎鬼名陸
棋食六月胎鬼名血尸食七月胎鬼名窮奇
食八月胎鬼名火暮食九月胎鬼名龍眉食
十月胎鬼名赤奚知其鬼名焚香誦詠永保
安寧生死受賴其福難勝故曰无量普度世
人

道言凡有是經能為下世男女保胎護命有
災之日發心修齋燒香誦經十過皆諸天記
名萬神侍衛學道之士修誦是經則胎神明
正三官煥騰長生致其聖胎內結不但女子
可以奉行也右別至人尅得為聖君金闕之

臣諸天記人功過毫分无失三元胎僊六甲
神王亦保舉爾身得道者乃當洞明至言也
諸天中大梵隱語无量音 道君誤
元始保胎護命靈篇

東方八天

祁彥荒正 北台元旋 梵形結生
帝火洞遷 求高柏名 希樓都玄
玉觀浩劫 女房幾延 景命神魔
綠英回禮 感屢碧威 華彌過運
公都阿夷 雲符月淵 僊推流微

慶落孤賢

南方八天

九獸蔚无 曠園日珠 鄭曲鬼神
正願溫甦 望秘蕭竟 紫華玄胡
舊井逼府 潭謀究道 雅協僊梵

芝格乘除

建土生屋 道玄遮吳
律覽角媒 乾早浸孤 萬眸逸度

天權傳伴

西方八天

羅局野垂 審泥偃池 劔婁尹產

機泰迎輝 宴月霞昇 玄熙清齋
景瑤綠珠 交奉近師 宛樂大歡
勤封陔時 骨夜求親 即日隱作
歌逾昭樂 鼎瑋赤容 飛屨狀名
僊庭滄峯

北方八天

荀无猴余 琬具疑浮 威曠安迎
冥居岫臺 洙澥尸枚 九真迷崖
阿都子他 平美海嘉 魯登丞丕
柄樹願陀 木罔魁漢 玄蔭願華
斗畢觀苗 明懸灑差 洞鎮希閔
天句衛羅

道言此諸天中辰魁三台元生之音靈芒結
文布鎮三十二天以施生定命化聲種民光
輝緝麗含景玉霄天真皇人撰按其文以為
正音有知其音能齋而誦之者諸天皆遣飛
天神王下觀其身保胎護命上奏諸天萬神
朝禮地祇侍門大勳僊王保舉上僊上真下
臨魁得遊行三界昇入金門此音无所不辟
无所不禳无所不度无所不成天真自然之

音也故誦之致飛天下觀上帝道唱萬神朝
禮三界侍軒群杖東首鬼精自亡胎真洞映
三府肅清天蓋旋碧地樞玄明嶽峙海澄日
月煥照靈音幽響群仙慶賓四氣宴寂道景
虛誕大量玄玄也

元始无量度人上品妙經卷之四十三

正一天師清微弟子洪百堅製
道教學術資訊站

靈寶无量度人上品妙經卷之四十四 雷
洞神樓災品

道言昔於太極天中青華安保大真明土受
靈寶度人洞神樓災无量上品扶桑洞神大
道君當說是經周迴十過以召十方扶桑世
界一切真仙巨太極之東九十萬里碧海之
內中有大山根連洞冥金沙重疊貫軸下元
上出大无紫空神境西連太極南峙炎陵北
定幽門中通玄都而此世界十萬餘里神峯
巨嶺隱顯滄浪梵浮瑞光青霞之氣羣靈在
上青玉為城碧林為宮地凝紺華拱生扶桑
根暗東極枝條相向青碧為光千葉之上自
然天文帝真赤書九氣鳳文以鎮十方諸天
日月下出陽機自運晝夜六時天漢波潮雲
濤爭湧仙都人民十二品格百千種物太无
三氣化生號青宮扶桑世界元始天尊分神
萬天散形千億忽於此方命以扶桑之天青
華道境靈寶孕精擬生空洞之極號扶桑洞
神大道君外曰扶桑大帝出納太陽寶鏡液
沆其形為日月之精魂為兩極長生大帝其